

## **BASES DO CERTAME DE CARROZAS DE ENTROIDO – ANO 2018**

O Concello de Rianxo, a través da súa Área de Cultura, Xuventude, Educación e Normalización, e co obxectivo de promover as tradicións que lle son propias na celebración do Entroido, vén de convocar un Certame de Carrozas de Entroido, que se celebrará o vindeiro domingo día 11 de febreiro, segundo as seguintes:

### **BASES**

1º.- A participación no Certame de Carrozas do Entroido 2018 supón a aceptación das presentes bases reguladoras.

2º.- O Certame de Carrozas 2018 terá lugar o domingo 11 de febreiro de 2018. Comezará ás 17:00 horas, debendo presentarse as participantes entre as 16:30 e 17:00 horas na zona do porto.

3º.- Poderá participar neste certame calquera entidade non lucrativa legalmente constituída, ou ben os grupos informais de persoas, interesados en conformar unha carroza de entroido. As carrozas estarán conformadas por un **mínimo de 6 persoas**.

4º.- As inscricións deberán formalizarse no impreso normalizado (Anexo II) no Centro Sociocultural - Auditorio de Rianxo: de luns a venres, de 9.00 a 14.00 horas; e de martes a xoves, de 16.30 a 20.00 horas (tel.: 981 100 688 / 664 180 632 – [cultura@concelloderianxo.gal](mailto:cultura@concelloderianxo.gal) ). **A data límite para efectos de inscrición é o venres 09 de febreiro, antes das 14.00 horas**. Non se inscribirá ningunha carroza despois da data e hora antes citada.

Os datos necesarios para a inscrición son:

- **Grupos informais de persoas:** denominación da carroza, datos da persoa representante e a de todos as compoñentes que van participar, acompañando fotocopia do DNI. No caso de participación de menores poderase requirir autorización



expresa dos seus titores legais para o efecto e o nomeamento dun representante maior de idade (anexo III).

Ao abeiro do disposto no artigo 11.3 da Lei Xeral de Subvencións no caso de inscricións relativas a agrupacións de persoas físicas, no momento da inscrición deberase facer constar expresamente a súa porcentaxe de participación na carroza.

Así mesmo, e segundo o disposto no artigo 13 da Lei Xeral de Subvencións, as agrupacións de persoas físicas, xunto coa folla de inscrición, presentarán unha declaración de estaren ao corrente das obrigas coa Axencia Española de Administración Tributaria, Seguridade Social, Axencia Tributaria de Galicia e Concello de Rianxo, e de non estaren incursas en ningún dos supostos que aparecen no citado artigo de incompatibilidade para recibir subvencións.

- **Entidades sen fin de lucro:** denominación da carroza, fotocopia do CIF da entidade e certificado da acta na que se nomea o representante da entidade para a participación no certame de carrozas (anexo IV).

Todas as carrozas deberán cumprir as obrigas dispostas no Anexo I e presentar a seguinte documentación:

- Fotocopia do Permiso de Conducir do conductor/a do vehículo de remolque.
- Fotocopia do Permiso de Circulación e da ITV do vehículo de remolque.
- Póliza e último recibo do pagamento do seguro do vehículo de remolque.

5º.- O tema, confección, motivo, elementos, materiais, etc., serán totalmente libres. En todo caso, e para os efectos de participación no Certame, **entenderase por carroza calquera vehículo conformado por unha plataforma debidamente adornada, preparada e sobre a que, polo menos, a metade dos seus compoñentes, desenvolven unha escenificación.**

Non se admitirá ningún tipo de publicidade comercial. As carrozas inscritas deberán participar no correspondente desfile, co percorrido e orde que lles serán indicados no inicio do mesmo.



6º.- Premiarase, cunha puntuación máxima de 100 puntos:

- Orixinalidade: ata 15 puntos
- Creatividade: ata 15 puntos
- O esforzo na realización da carroza: ata 15 puntos
- A utilización e creación de recursos non comerciais: ata 15 puntos
- As coreografías e escenificación: ata 20 puntos
- Vestimentas dos participantes: ata 20 puntos

7º.- Os/as participantes deben seguir en todo momento as indicacións da organización. A organización velará polo correcto funcionamento do desfile, podendo impedir a participación a calquera persoa, grupo ou carroza por motivos de seguridade. Poderase descualificar e prohibir a súa participación a aquelas carrozas que representen temáticas machistas, racistas ou xenófobas. Segundo a ordenanza municipal, non se admitirá a participación con animais.

8º.- Establécense tres premios dotados cun importe de:

1º premio: 700 €.

2º premio: 500 €

3º premio: 300 €

O xurado poderá dar ata 10 accésits dun importe de 150 €.

Dito premio levará consigo as imposicións fiscais que resulten da aplicación, segundo as normas contidas na normativa reguladora do imposto.

9º.- O xurado estará formado por membros da Corporación do Concello de Rianxo, persoas pertencentes ao mundo da cultura ou á creación artística e representantes das asociacións, sendo potestade do mesmo designar a aquelas persoas que estime convenientes en calidade de asesoras.

Estará composto por un/unha presidente/a, vogais e un/unha secretario/a, sendo este persoal do Concello de Rianxo.



10º.- Toda interpretación sobre as presentes bases correspóndelle unicamente ao xurado. Calquera cuestión non recollida de forma explícita nestas bases será resolta polo xurado.

11º.- O veredicto do xurado do Certame de Carrozas, que será inapelable, farase público no transcurso dos actos na tarde do *Domingo de Entroido*. Os premios poderán ser declarados desertos.

12º.- Os/as gañadores/as farán efectivo o cobro do premio na mesma data, despois de cubrir a documentación, que deberá ser asinada polo representante da carroza premiada, e presentación da demais documentación xustificativa que poida ser requirida para os efectos fiscais. A única persoa autorizada para efectuar o cobro do premio será a persoa nomeada representante no momento da inscrición, e deberá acudir provista do DNI.

13º.- No caso de condicións climatolóxicas adversas, o certame poderase aprazar para outras datas, decisión que se tomará como máximo ata o domingo 11 de febreiro ás 13.00 h. No caso de que non se poida celebrar, o certame poderá ser suspendido.

14º.- O órgano municipal competente asumirá a proposta do xurado e concederá o premio no momento da aprobación da conta xustificativa do pago que se ha de xustificar.